

IRA-K BELFASTEKO IRRATI BATI HOTS EGIN ZION ETA BERE GAIN HARTU ZUEN ATENTATUA

Soldadu britainiar bat zauritu da Belfasten egindako atentatuan

■ Armada britainiarrak Belfasten duen kontrol postu bati lehergaiekin eraso zioten atzo ezezagun batzuek, eta soldadu britainiar batek zauriak izan zituen. Irlandar Armada Errepublikarrak (IRA) bere gain hartu zuen kontrol postuaren aurkako atentatua.

Agentziak / Belfast

IRA-k Belfasteko irratia bati egin-dako deian bere gain hartu zuen atentatua, eta beste sei bonbat hirian zehar ipini zituela jakin-razi zuen. Lehergaiak lau hoteletan, tren geltoki zentralean eta autobus geltoki batean ipini zituela esan zuen irratira dei egin zuen pertsonak. Poliziak adierazi zuen oso serio jaso zuela deiaren edukina.

Atentatua atzo gertatu zen. Ezezagun batzuek lehergai bat, ia ziurrenik mortero proiektil bat, jaurti zuten Armada britainiarrak Auzitegiaren ondoan duen kontrol postura.

BBC telebista kate britainiarrak azaldu zuenez, lekuko batzuek adierazi zuten gizonezko bat ikusi zutela auto batetik jais-ten eta kohete bat jaurtitzeko. Kohete honek bete-betean harra-patu zuen kontrol postua eta han zegoen soldadu britainiarra zauritu zuen. Soldaduak leher-tua du tinpanoa, baina bere bizia ez dago arriskuan.

Atentatuaren egileak erabili zuten ibilgailua sutan aurkitu zuen Royal Ulster Constabulary (RUC) Ipar Irlandako Poliziak, Belfasteko eremu nazionalista batean.

Auzitegi Gorenaren egoitza jendez hustu zuten berehala eta Armada britainiarreko artezila-riek egoitzaren inguruak miatzen aritu ziren lehergai gehiagoren bila.



Segurtasun indarrak atentatua gertatu zen lekua miatzen.

PAUL MCERLANE / AP

Joan den astean Ipar Irlandako segurtasun indarrek abandona-tuta zegoen furgoneta bat aurki-tu zuten Belfasteko gazteluaren inguruan; hain zuzen ere Patrick Mayhew Ipar Irlandako ministro

britainiarra toki horretan bizi da. Ustez IRAk utzi zuen furgoneta, eta tona erdi lehergai zituen ba-rruan.

Urte berriaren hasierarekin batera IRAk beste ofentsiba bat

abiatuko duen beldur dira Erre-suma Batuko segurtasun inda-rrak, prentsa britainiarrak joan den astean argitaratu zuenez. Komunikabideen arabera, ofen-tsiba honen ondoren su-eten «taktikoa» indarrean jarriko du IRAk, udaberrian Erresuma Ba-tuko Legebiltzarra osatzeko egingo diren hauteskundeetan aurretik.

1996. urteko otsailaren 9an IRAk 18 hilabetez indarrean izan zuen su-etena hautsi egin zuen Londres ekialdeko Docklands zonan bonba-auto batekin aten-tatua eginez. Atentatu honetan bi pertsona hil ziren eta ehundik gora zauritu.

Itunik ez Sinn Feinen eta SDLPren artean

■ Batzuen ustez IRAren beso politikoa den Sinn Feineko buruzagi Gerry Adamsek atzo azaldu zuen «ino-lako aukerarik» ez dagoela hau-teskundeei begira itun bat egi-teko Sinn Feinen eta Ipar Irlan-dako Alderdi Demokrata eta La-boristaren (SDLP) artean. «Biek itun bat egiteko aukera bukatua dago. Etsituta nago, ez baita po-sible inolako akordiorik», azpi-marratu zion prentsari.

Adamsek adierazpenok egin baino lehen John Hume SDLPko buruzagiak adierazi zuen ezin dela inolako itunik egin Sinn Feinekin hauteskundeetarako, baldin eta IRAk ez badu berriro su-etena indarrean jartzen. X

Errusiak berriz ezezkua eman dio NATOren hedatzeari

■ Jeltsin bere gobernuarekin bildu zen atzo NATOrekiko harremanak aztertzeke

Agentziak / Mosku

ERRUSIAK ezezkua eman zion berriro atzo Ipar Atlantikoko Aliantza (NATO) Europa ekialdeko herrietara heda-tzeari, NATO Errusiaren mu-getara hainbeste gerturatzea herriaren segurtasunarentzat arriskugarria dela arrazoitu-ta.

Boris Jeltsin lehendakari errusiarrak NATOrekin el-karlanean aritzea aztertu zuen atzo Viktor Txernomir-din lehen ministroarekin, Anatoli Txubais Lehendakari-tza Kabineteko buruarekin, Jevgeni Primakov Atzerri mi-nistroarekin, Ivan Ribkin Se-gurtasun Kontseiluko idaz-kari nagusiarekin eta Juri Baturin Defentsa Kontseiluko idazkariarekin.

Sergei Jastrajembski Kremlinako bozeramaileak Interfax agentziari adierazi zionez, bilera honetan berretsi egin zen Errusiak ez duela begi onez ikusten NATOren hedatzea.

Itar-Tass agentzia errusia-rraren arabera, bilera hone-tan «NATOrekin elkarlanean aritzeko bideak aztertu ziren», baita Atlantikoko Aliantzara kide berriak sartzeari Erru-siak zere erantzun emango dion ere.

Boris Jeltsin, Helmut Kohl Alemaniako kantzeliarekin elkarriketatu zen joan den larunbatean, eta Errusiaren eta NATOren arteko konpro-mezuzko formula bati buruz eztabaidatu zuten. Bi aldeek «Errusiaren eta NATOren ar-teko harremanez berriro ere hitz egitea» adostu zuten, Jastrajembskik azaldu zue-nez.

Errusiaren atzerri politikaren porrota

■ Gori Javlinski Errusiako o-po-sizio neokomunistaren buru-zagiak adierazi zuen NATOren hedatzea porrota izango dela Errusiaren atzerri politika-rentzat. Javlinskiren iritziz, hedatze honek ondorio larriak izango ditu herriaren baitan. «NATOren hedatzeak ez du arriskuan jarriko Errusiaren segurtasun militarra, baina Moskurentzat txarra da bere atzerri politika suntsitu egingo duelako, eta buruzagi-tza politikoak beste porrot mingarri bat barneratu be-harko duelako», azpimarratu zuen.

NATOn kide berriak sar-tzeak, bestalde, Errusiako Le-gebiltzarrek desarmatze nu-klearrerako Start-2 ituna ez berrestea ekar lezakeela ohartarazi zuen Sergei Xak-hrai Errusiako Lehendakari-tza Kabineteko buruzagior-deak. X

Hebroni buruzko negoziaketetan aurrerapausoak egin arren, akordioa ez dela lortu aitortu du Rossek

■ Artekari estatubatuarrak Benjamin Netanyahuarekin eta Jasser Arafatekin elkarriketatu zen atzo

Agentziak / Jerusalem

DENNIS ROSS artekari estatu-batuarra Benjamin Netanyahu Israelgo lehen ministroarekin eta Jasser Arafat Palestinar Aginte Nazionaleko (PAN) lehendaka-riarekin elkarriketatu zen atzo, Armada israeldarra Hebrondik erretiratzeke akordioa gauzatze-ko asmoz.

Rossek atzo aitortu zuen au-rrerakuntzak egin direla israel-darren eta palestinarren arteko negoziaketetan, baina oraindik traba batzuk gainditu behar di-rela Hebronen gaineko akordioa hitzartu aurretik. Arazo guztiak konpondu artean akordiorik ez dela egongo esan zuen atzo goi-zean Netanyahuarekin elkarri-ke-tatu eta gero.

Arratsaldean Arafatekin bildu zen Gazan. Arafatekin hitz egin

aurretik, Maruan Kanafani PA-Neko lehendakariaren bozera-maileak esan zuen Ross Israelen aldekoa zela Hebronen gaineko negoziaketetan. «Ross partziala da, eta artekari gisa bete behar duen lanak bi aldeen mesederako izan beharko luke».

Palestinarren eta israeldarren arteko negoziaketek sei hilabete bete duten arren, akordioa ez da oraindik hitzartu Netanyahu ez duelako datarik zehaztu nahi Armada Zisjordaniako nekazari-tza eremuetatik erretiratzeke, lurralde honetan 1995. urtean lortutako autonomia akordioak hala biltzen duen arren. Erreti-ratzea hiru urratsetan egin behar da, Armada erretiratzeke eta PANen gain utzitako eremuetan transferentzien eskualdatzea arautzeke atalaren arabera.

Israelgo gobernuburua eta

Arafat ezkutuan elkarriketatu ziren herenegun goizaldean Ga-zan. Netanyahu Arafati argitu zion erretiratzeke lehen urratsa martxoan hasiko dela, Hebronen gaineko akordioa hitzartu eta sei edo zortzi astera. Israelgo lehen ministroak, baina, baztertu egin zuen Arafatek egindako exigen-tzia erretiratze osoa irailerako amaitzeke, Gobernuak iturriek adierazi zuten.

«Israelgo Gobernua Hebrongo protokoloaren sinatzea atzera-tzen ari da, akordioan aldaketak egin nahi dituelako», esan zuen Nabul Abu Rodainak, Arafaten idazkariak.

Zisjordaniako autonomia akordioak, Oslo II izenez ezaguna denak, biltzen du Israelgo Arma-daren erretiratzea eremu militar jakinetara 18 hilabeteko epean egin beharko dela. Akordioa be-

tez gero erretiratzearen hiruga-rren urratsak amaitua beharko luke datorren irailerako. Baina Netanyahu horretarako prest ez dagoela argitaratu zuen atzo prentsa israeldarrek.

Nazioarteko begiraleak hedatzeko akordioa

■ Hala ere, PANek eta Israelak akordio bat hitzartu zuten atzo Jerikon nazioarteko begiraleen indar bat Hebronen hedatzeko, Armada israeldarra Zisjordaniako hiri ho-rretatik erretiratu eta gero.

Kolono israeldarrek, bestalde, manifestazioak egingo dituzte kale eta errepideetako bidegu-rutzeetan, Armada israeldarra-ren erretiratzeagatik protesta-tzeko. Judea eta Samariako (Zis-jordania) Asentamenduen Kon-tseiluak erabaki zuen manifes-tazioak egitea. X